

adw architektur + design wyss
Herr Ch. Wyss
Schulstrasse 4
8952 Schlieren

Dunkel isches....

Sehr geehrti Dame und Herre, liebi Gschäftsfründe
Dunkel isches am Morge, wemer uf de Baustelle started
und dunkel isches am Abig, wenn dihei d'Familie uf eus warted.
Hell wird's ned wüekli, es isch schummrig und grau,
biisig isches dusse, e herti Zit uf em Bau.
De Wind pfiifft um d'EGge, wirbled Blätter umenand,
Näbel und Chälti händ s'Zepter i de Hand.
Dick iipacke müemmer eus vo Chopf bis Fuess,
Chappe, warmi Pulli und Händsche sind es Muess.
Dezue langi Unterhose, flauschigi Socke, e Winterjagge
und de Pausekafi gönnemer eus i de gheizte Baragge.
Sogar Schiiwärfer und Öfeli zum Schaffe bruuchts ab und zue
Arbet hämmer en Huufe, es git immer no ganz vill z'tue.
D'Luune vo de Natur isch jedes Johr glich um die Zit
und mer alli wüssed, Wiehnachte isch nümme wit.
Au wenn eus d'Sunne und d'Wärmi fehled im Momänt,
simmmer trotzdem froh über die Wuche im Advänt.
So freuemer eus umso meh uf di warmi Stube und s'Zämesii,
mit Familie und Fründe bi Cherzeschii.
Gnüüssed Sie Zit vo de Guetzli, Päckli und de Cherze,
frohi und besinnliche Wiehnachte wünschemer vo Herze!

Ihri siegfried bau ag

